

Coronavirus-COVID-19 ralrin ding kong thawngthanhnak

Date: 23 March 2020

Coronavirus (COVID-19) cu China ram Wuhan in a hun i thawk i thlakhat-hnih chungah kan umnak Denmark zong a hung phan ve cang. Hi COVID-19 zawtnakhrik kongah kan cozah zong nih ram kilvennak, ralrinnak, tuah ding le tuahlo ding kong zong nifate catloin thawng an hun kan thanh. Mucu, sianginn, university le zung tbk tampi khar a si. Cupinah ramri tiang zongin khar a si. Ramleng luh-chuahnak vialte zong khar a hun si. Hi khar caan cu 12 March 2020 in 29 March 2020 tiang a rak sinain nihin 23 March 2020, Sml:15.00 in 13 April 2020 tiang khar chap dingah Denmark state minister Mettee Frederiksen nih thawngthanhnak a tuah.

Vawleicung ngandamnak lei bu (WHO) thawngzamhmi le Denmark cozah le ngamdarnak lei nih thawngthanhnak felfai tein an hun kan tuah cangmi cu biapi taktak in zulh dingah cozah le state minister zong nih nihin ah an hun nawlh than.

Ralrin ding, zulh ding le tuah ding :

1. Inn teah um khawh i zuam peng ding
2. Damlo ahcun len chuah baklo ding, khuh, cunpit, tlangrai tbk zong
3. Khual tlawn baklo ding
4. A dammi nih lenchuah a herhtuk ahcun mibu tamnak ah kallo ding, mibu he i cawhlo ding
5. Leng chuah-luh tik paohah le zunte-zunpi kal tik paohah kut thiang tein (30 sec. nak tlawmlo) sapiat in tawl ding, hãndsprit zong hman ding
6. Midang he kuh, kuttlah, tak tongh hrial peng ding, meter 1 hlat in umkal le i chawnhbiak ding
7. A si khawh chungin hmai, hnar, kaa, hnakhaw tbk kut in tongh lo ding, Virus luh a fawinak a si ruangah.
8. Minung 10nak tam innchung le lengah tonnak tuah lo ding. Biakinn le tonnak hmuh paoh paoh khar rih ding. (A herhtukmi a um ahcun ONLINE le MEDIA deuh hman ding)
9. Cikkhat lengchuah thlithiang dawp a biapit caah, pumpak, chungkhar nih hmuhkhat teah tuahti a tha.
10. Ngakchia an mah lawng lengah chuahter lo ding, nu le pa nih tha tein chuahti, umpi peng ding
11. Ramleng, ramchung ah Chiatni kan tawn sual ahcun pastor le upate nih a tha an tining zulh khawh i zuam ding
12. Pumpak, chungkhar, khrihfabu kan dihlak nih kan mah le umnak hmun cio in vawlei cung hmunkip, kan umnak Denmark ram, cozah, siizung, a dam lomi hna le ngaihchiat a tuarmi hna chungkhar dihlak caah thla i campi cio ding

Bawipa kilvennak kan dihlak cungah um ko seh !

Rev. Moses Lal Bawi Peng

GS-CCADK